



Departement für Infrastruktur, Energie und Mobilität Graubünden

Departament d'infrastructura, energia e mobilitad dal Grischun

Dipartimento infrastrutture, energia e mobilità dei Grigioni

Departament d'infrastructura, energia e mobilitad dal Grischun
Ringstrasse 10
7001 Cuira

Telefon +41 81 257 36 14
www.diem.gr.ch
info@diem.gr.ch

Departament d'infrastructura, energia e mobilitad dal Grischun
Ringstrasse 10, 7001 Cuira

A las adressatas ed als adressats
tenor la glista da distribuziun

Cuira, zercladur 2021

Revisiun totala da la Lescha davart il traffic public en il chantun Grischun (DG 872.100); consultaziun

Stimadas dunnas e stimads signurs

La Lescha davart il traffic public en il chantun Grischun (LTP; DG 872.100) è vegnida relaschada per l'emprima giada l'onn 1994 e n'è dapi lura strusch vegnida revedida. Sin plaun federal hai dà en il fratemp numerusas revisiuns. Quellas cumpiglian pliras refurmas da la viafier sco er l'introducziun dal fond per l'infrastructura da viafier (FIV). Ultra da quai è vegnida relaschada l'Ordinaziun davart l'indemnisaziun dal transport regional da persunas (OITRP; CS 745.16). Tut questas midadas han consequenzas per l'empustaziun e per la finanziaziun dal traffic public en il chantun Grischun. La revisiun totala che la Regenza ha deliberà per la consultaziun tegna quint da quests svilups e propona adattaziuns sin plaun chantunal. Ultra da quai duain vegnir adattads ils criteris d'avertura en connex cun il traffic public per tut las regiuns en il chantun, e quai resguardond las prescripziuns federalas en il traffic regional da persunas.

La revisiun totala qua avant maun cuntegna ultra da quai novas regulaziuns en il sector da las contribuziuns d'investiziun e da promoziun. Da nov duai il chantun Grischun tranter auter gidar a finanzia l'infrastructura da viafier che na po betg vegnir finanziada da la Confederaziun sur il FIV. Er areguard la politica d'energia en il traffic public vul la Regenza dar impuls finanzia: Cun in causal da promoziun nov duai il chantun pudair gidar a finanzia tecnicas da propulsiun alternativas (mobilitad electrica, idrogen) en il traffic public per pudair reducir uschia considerablmain las emissiuns da CO₂ en il traffic public.

Ils documents da la consultaziun pon vegnir consultads e chargiads giu da la pagina d'internet dal chantun sut las [consultaziuns currentas](#)¹. Ils documents pon er vegnir empustads per telefon tar il secretariat da l'Uffizi d'energia e da traffic (tel. 081 257 36 24).

Nus As envidain d'ans trametter Vossa posiziun fin ils **27 da settember 2021** per e-mail sin info@aev.gr.ch. Als documents da consultaziun è agiuntà in questiunari. Nus As supplitgain da duvrar quel, cur che Vus scrivais Vossa posiziun.

Per l'interess che Vus demussais envers quest project e per Vossa eventuala posiziun en chausa engraziain nus ordavant zunt fitg.

Salids amicabels
Departament d'infrastructura, energia e
mobilitad dal Grischun
Il schef:



Dr. Mario Cavigelli, president da la Regenza

Adressatas ed adressats da la consultaziun:

- vischnancas
- partidas politicas
- regiuns
- corporaziuns da vischnancas
- departaments da l'administraziun chantunala
- interpresas da transport dal traffic public en il chantun Grischun
- interpresas da transport dal traffic public en Svizra (VFF, SOB, Thurbo)
- interpresas da transport estras (TLB, SAD, STPS, ASL)
- presidentas e presidents d'urari dal chantun Grischun
- Dretgira administrativa
- Cassa da pensiun chantunala dal Grischun
- telefericas dal Grischun
- Uniun grischuna d'artisanadi e mastern
- Associazion grischuna per il svilup dal territori (AGS)
- Chombra da commerzi ed associazion dals patruns dal Grischun
- Grischun vacanzas
- organisaziuns turisticas regionalas OTReg
- Uffizi federal da traffic
- consorzis tariffars (Arcobaleno, Ostwind, BÜGA, TransReno, EngadinMobil, TVDK)
- Cuminanza d'interess dal traffic public da la Svizra orientala
- Pro Viafier
- Associazion Traffic ed Ambient
- Touring Club da la Svizra
- Sindicat dal personal dals transports (SEV)
- Sindicat da las medias e da la comunicaziun (syndicom)